



# An Samhradh

Tosaíonn an samhradh i mí na Bealtaine.  
Bíonn an aimsir tirim agus bíonn an ghrian ag taitneamh go hard sa spéir.  
Bíonn sé geal ó leath uair tar éis a cúig ar maidin go dtí leath uair tar éis a deich san oíche.  
Bíonn laethanta saoire ag na páistí ón scoil sa samhradh.  
Bíonn an gairdín lán le bláthanna agus dathanna áille.  
Tagann an rós i mbláth i mí an Mheithimh agus i rith an tsamhraidh.  
Bíonn cloigíní gorma le feiceáil sna coillte agus ar bhruacha na habhann ó mhí Aibreáin.  
Bíonn nóiníní le feiceáil i ngach áit.  
Bíonn an sabhaircín le feiceáil i rith an tsamhraidh.  
Is bláth beag agus buí é, is maith liom an sabhaircín.  
Is maith liom bláthanna agus is aoibhinn liom an samhradh.

## CEISTEANNA

- 1 Cathain a thosaíonn an samhradh? (*When does summer start?*)
- 2 Conas a bhíonn an aimsir i rith an tsamhraidh? (*How is the weather during the summer?*)
- 3 Cathain a thagann an rós i mbláth? (*When does the rose flower?*)
- 4 Déan cur síos ar an gcloigín gorm. (*Describe the bluebell.*)
- 5 Déan cur síos ar an sabhaircín. (*Describe the primrose.*)

## FOCLÓIR

i mbláth *in flower*  
sna coillte *in the forests*  
ar bhruacha na habhann *on the banks of the river*  
sabhaircín *primrose*

# Turas Scoile

Bhí rang a sé ar bís.  
Bhí siad ag dul ar thuras scoile go dtí Locha Bhaile Coimín i gCill Mhantáin.  
Bhí páirc spraoi ann agus bhí siad ag fanacht in óstán beag thar oíche.

Tháinig an bus ar a naoi a chlog agus chuaigh na páistí ar bord.  
Thosaigh siad ag caint agus ag canadh.  
Thit cúpla páiste ina gcodladh mar bhí an turas beagnach dhá uair an chloig ar fhad.  
Tar éis tamaill shroich siad an pháirc.

Chaith na páistí an tráthnóna ag seoltóireacht ar an loch agus ag surfáil.  
Bhí culaith fhliuch ar gach duine.  
Bhí troid mhór uisce acu.  
Chuaigh siad ar ais go dtí an t-óstán agus d'ith siad píotsa don dinnéar.

Ar an dara lá chuaigh siad ag marcaíocht agus ag dreapadh ar bhalla.  
Tháinig an bus ar a haon a chlog agus chuaigh siad abhaile.  
Bhí na páistí tuirseach traochta ach sona sásta.



## CEISTEANNA

- 1 Cá raibh rang a sé ag dul? (*Where was 6th class going?*)
- 2 Cén t-am a tháinig an bus? (*At what time did the bus arrive?*)
- 3 Cad a rinne siad nuair a shroich siad an pháirc spraoi? (*What did they do when they reached the activity park?*)
- 4 Cad a rinne siad an dara lá? (*What did they do on the second day?*)
- 5 Conas a bhí na páistí tar éis an turas scoile? (*How were the children after the school tour?*)

## FOCLÓIR

culaith fhliuch *wetsuit*  
troid mhór uisce *big water fight*  
dreapadh *climbing*



# Ag Críost an Siol

Ag Críost an siol,  
Ag Críost an fómhar,  
In iothlainn Dé,  
Go dtugtar sinn.

Ag Críost an mhuir,  
Ag Críost an t-iasc;  
I líonta Dé  
Go gcastar sinn.

Ó fhás go haois,  
Is ó aois go bás,  
Do dhá láimh, a Chríost  
Anall tharainn.

Ó bhás go críoch,  
Ní críoch ach athfhás,  
I bParthas na ngrás  
Go rabhaimid.

Le Micheál Ó Siocháin

## GNÍOMH

Léigh agus foghlaim an dán. (Read and learn the poem.)

## FOCLÓIR

siol *seed*    an mhuir *the sea*  
líonta *nets*  
ó fhás go haois *from growth to age*  
anall tharainn *around us*  
i bParthas na ngrás *in blessed Paradise*



# Nóiníní Bána

Nóiníní bána ar imeall na habhann;  
Rachaidh mé síos agus picfaidh mé ceann.  
Ceann beag do Mháire, is ceann beag dom féin,  
Ceann beag do mo chairde ar oiléan i gcéin.

Déanfaidh mé slabhra deas bán agus órga,  
Déanta as nóiníní bána go leor;  
Beidh sé go hálainn thuas ar mo cheann,  
Mise i mo bhanríon ar imeall na habhann.

*Le Brian Ó Baoill*

## GNÍOMH

Léigh agus foghlaim an dán. (*Read and learn the poem.*)

## FOCLÓIR

picfaidh *will pick*  
ar imeall *edge*  
slabhra *chain*



# Tinneas Farraiige

Bhí an chlann ag dul go dtí Oileáin Árann don lá. Lá álainn griamhar a bhí ann nuair a d'fhág siad Gaillimh.

Fuair siad seaicéid tarrthála agus shuigh siad síos ar an mbád.

Bhí sé beagán gaofar ar an mbealach ansin ach bhí sé ceart go leor.

Bhí lá álainn acu ar an oiléan ach thosaigh sé ag stealladh báistí agus rith siad isteach chuig bialann.

D'ith Jack curáí agus deoch líomanáide sa bhalann.

Ansin chuaigh sé go dtí an siopa agus fuair sé milseáin agus uachtar reoite.


'Ná bí á ithe sin,' arsa Mamaí, 'Beidh tú tinn'.

D'ith Jack iad ar aon nós.

Nuair a chuaigh siad ar an mbád arís bhí an aimsir fiáin.

Mhothaigh Jack tinn láithreach.

'Dúirt mé leat go mbeifeá tinn,' a dúirt Mamaí.



## CEISTEANNA

- 1 Cá raibh an chlann ag dul? (Where was the family going?)
- 2 An raibh sé gaofar ar an mbealach ansin? (Was it windy on the way there?)
- 3 Céard a d'ith Jack sa bhalann? (What did Jack eat in the restaurant?)
- 4 Ar mhothaigh Jack tinn? (Did Jack feel sick?)
- 5 Céard a dúirt Mamaí? (What did Mammy say?)

## FOCLÓIR

tinneas farraiige *sea sickness*  
seaicéad tarrthála *life jacket*  
ar an mbealach *on the way*  
fiáin *wild*  
mhothaigh Jack tinn *Jack felt sick*